

քի տակ: Այսչափը ասենք, որ, եթէ մեր յիշողութիւնը մեզ չէ դաւաճանում, 19-րդ դարի 50-ական թուականների վերջին եւ 60-ական թուականների սկզբին Ստեփանոս Նազարեանց եւ ուրիշներ հայութեան թիւը ողջ Ռուսաստանում հաշուում էին շուրջ 500 հազար: Յայտնի են վերջապէս հայութեան եւ կովկասեան միւս ժողովուրդներին վերաբերեալ 1886-ի քուակաւ տուեալները, որ կազմուել են ժամանակի իշխանութեանց ձեռքով, ընտանեկան ցուցակների հիման վրայ: Դրանք մեզ ասում են, որ այդ՝ 1886-ին Անդրկովկասի հայութեան թիւը եղել է 979,131:

Եւ պէտք է ասել, որ 1886-ի թուական տուեալները, նախայեղափոխական շրջանին համար, 1897-ի տուեալներից յետոյ համարում են բաղդատարար ամենից աւելի վստահելիները եւ առհասարակ նկատի են առնում վիճակագրական աշխատանքների ժամանակ:

Իսկ պատերազմի նախօրեակին (1914 թ.), հայութեան թիւն էր Անդրկովկասում, ըստ «Կովկասեան Օրացոյց»-ի 1,685,936:

Ինչ վերաբերում է վերջին տարիների թրւերին, արդէն իսկ յիշատակեցինք 1926-ի վիճակագրութեան արդիւնքները, զոնէ որ չափով որ յայտնի է դարձած մինչեւ այժմ:

Տեսանք արդէն, որ տակաւին պակասում են այդ վիճակագրութեան արդիւնքները ըստ ազգութեանց: Սրանց ժամանակաւորապէս եւ մասամբ փոխարինել կարող են 1921-1925 թրւականներին բուլղերիկների կողմից հրատարակուած վիճակագրական մասնակի տուեալները: Այսպէս, դրանք մեզ ասում են, որ 1922-ին հայերի թիւը ամբողջ Անդրկովկասում եղել է 1,489,175, որից միմիայն Հայաստանում՝ 781,111:

1923-ին Հայաստանի բնակիչների թիւը հաշուում էին 841,043:

1924-ի տուեալներով էլ, Անդրկովկասի հայութեան թիւը եղել է 1,352,000:

Նոյն թուականին Հայաստանի ամբողջական բնակչութիւնը կազմել է 907,755: Դրանից հայեր՝ 783 հազար, թուրք-թաթարներ՝ 90 հազար, ուսներ՝ 18,480, եզիդիներ՝ 13 հազար, եւայլն:

Ընթերցողը տեսաւ, որ բուլղերիկների —

ընդամէնը մի քանի տարուայ ընթացքում հրատարակած — թուերը նախ բաւական հակասական են իրար հետ բաղդատելով եւ երկրորդ՝ միեւնոյն տարիների համար ցոյց տրուած տուեալների շուրջը պաշտօնական զանազան աղբիւրները ո՛չ միշտ յար եւ նման են: Հազարների, չասելու համար հարիւրների, տարբերութիւններ միշտ կը գտնէք դուք, միեւնոյն վիճակագրութեան վերաբերեալ:

Երբ վերջապէս յայտնի կը դառնան 1926ի վիճակագրութեան արդիւնքները ըստ ազգութեանց, երեւի բաւական բան էլ կը պարզուի թուական այդ խառնաշփոթեանց մէջ: Յամենայն դէպս, եղածները ուզենք-չուզենք նրկատի պիտի ունենանք այն ընդհանուր համոզումով, թէ 1926-ի մասնակի տուեալների քով՝ քիչ-չատ վստահելի է նաեւ 1921-23-ին ամբողջ Անդրկովկասում կազմակերպած գիւղատնտեսական վիճակագրութիւնը, որի արդիւնքները ամփոփուած են ուսանելի լոյս տեսած «Չակավկադիէ» (Անդրկովկաս) պաշտօնական հատորի մէջ:

Համաձայն այս վերջինի էլ՝ Հայաստանը 1922-23-ին ունեցել է 781,011 բնակիչ, Վրաստանը նոյն 1922-23-ին՝ 2,448,033 բնակիչ, իսկ Ադրբէջանը 1921-ին՝ 1,773,891 բնակիչ:

VI

Այժմ ամփոփենք հայութեան մասին առաջ բերած թուական կէտր տուեալները զանազան ժամանակաշրջաններում, ինչ, նախ եւ առաջ, ամբողջ Անդրկովկասին է վերաբերում:

1828-ին, պարսիկ-ուսու ախրապետութեան փոխանցման միջոցին	237,000
1838-ին	295,000
50-ական 60-ական թուականներին	500,000
1886-ին	939,000
1897-ին	1,086,000
1914-ին	1,685,000
1922-ին	1,489,000
1924-ին	1,352,000

Կրկեննք նորից, որ վերջին՝ 1926-ի վիճակագրութեան ազգային տուեալները տակաւին յայտնի չեն:

Այժմ տեսնենք, որչափ ի հարկէ հնարա-